

Gavantus *sect. 3, cap. 12, num. 20*, ibi enim aliter decrevit et specialiter indulgit sacra Congr. ubi in gratiam festi Visitationis B. M. V. quod ibidem colitur de præcepto; unde cum privilegium sit locale, non potest extendi de loco ad locum ex decreto sacre Congreg. in principio Missalis Romani impresso. S. R. C. 10. *Januar. 1695. in una Galliarum.* Juxta rubricam x *De Translatione....* prout monet Gavantus: festa enim tantum primæ, vel secundæ classis locum habent a die octava: excepta die octava Nativitatis Domini, et Epiphaniæ, quæ non cedunt neque duplicibus primæ classis. *Rub. cit. Vide n. 611 et 661.*

654. Quæsitum fuit: dum occurrit festum duplex infra octavam Corporis Christi cum simplici, utrum nona lectio de simplici sit legenda; et responsum fuit, legendam esse nonam lectionem de simplici in Officio de sancto duplici infra octavam Corporis Christi, ut in *Nuscana 12. Sept. 1671, S. R. C. 10. Jan. 1695, in una Galliarum.* An id faciendum in Officio de octava, consule n. 472, 487 et 824.

655. Petitum fuit: si festum festivetur a populo, de præcepto, vel de devotione populi, ut sanctus Ludovicus in Gallia, S. Rochus etc. utrum dici debeat tale Officium duplex majus, et lectiones primi nocturni legi de communi, etiamsi in proprio de Scriptura currenti assignentur; et responsum fuit: Festum sancti Ludovici indultum de præcepto in Galliis esse sub ritu duplici minori tantum, editis decretis die 15 Martii 1608 et 28 Novembr. 1609, propterea non esse dubitandum, quin recitari debeant lectiones, quæ assignantur de Scriptura, approbatis propriis secundi et tertii nocturni sub die 25 Februarii 1619. De sancto Rocho, licet ejus festum servetur ex devotione, attamen non potest de eo recitari Officium, et celebrari Missa, nisi propriis Ecclesiis eidem sancto dicatis, ex concessione sacre Congreg. die 4 Junii 1629, et clarius die 29 Novemb. ejusdem anni, et tunc dicendum est Officium sub ritu duplici primæ classis, S. R. C. 10. *Jan. 1695, in una Galliarum, Vide n. 241.*

656. Quæsitum fuit, cum superest una Dominica post Epiphaniam; nec poni potest post Pentecostem, utrum si tota hebdomada ante Septuagesimam præter feriam secundam, quæ simplex habet Officium, impediatur Officio novem lectionum, poni possit, et debeat in dicta feria secunda, vel legi debeat homilia in Sabbato ante Septuagesimam. Et responsum fuit: satis esse provisum per rubricam Breviarii de Dominicis n. 6 et per aliam rubricam propriam positam ante Dominicam primam post octavam Epiphaniæ; nempe in casu proposito, Officium de Dominica faciendum esse in primo Sabbato post Epiphaniam festo duplici, vel semiduplici non impedito, alioquin, scilicet si prædictum Sabbatum esset impeditum, faciendum in prima die post dictam octavam, quæ non reperitur impedita festo duplici; festum vero semiduplex in ea occurrentia transferendum in primam diem similiter non impeditam, S. R. C. 10. *Januarii 1695, in una Galliarum.*

657. Usus pileoli parochi rheumate laboranti, et Eucharistiam infirmis deferenti, non intra civitatem et oppidum, spectat private ad episcopum concedere, S. R. C. 10. *Junii 1695, in Trevirensi. Vide n. 261 et 664.*

658. Occurrente vigilia sancti Matthiæ apostoli feria tertia post Dominicam Quinquagesimæ omnino observandum est jejuniu, quod non potest anticipari ratione carnis privii, S. R. C. 25. *Jan. 1694. in Ariminensi, Innoc. XII confirmante.* Non potest anticipari, nisi ex indulto Sedis Apostolicæ, ut sponte disposuit Benedictus Papa XIV. die 30 Januarii 1751, in Constitut. quæ incipit: *Prodiit jamdudum.*

659. Tertiarii Sancti Francisci degentes in sæculo possunt uti Breviario ordinis Minorum, et illius

calendario conformari, S. R. C. 7. *Aug. 1694, in una Ord. Min. S. Francisci. Tertiarii S. Francisci: Quid statuatur eum sint choro obligati. Vide num. 11, 1208, seq. et 1276.*

660. Octava Omnium Sanctorum, tanquam dignior præferenda est octavæ Dedicacionis ecclesiæ, S. R. C. 5. *Martii in Sabinen.* Tanquam dignior, et universalis. Vide num. 611.

661. Festus dies sancti Caroli transferendusest, juxta rubricam de Translatione festorum, ob occurrentiam cum octava Dedicacionis ecclesiæ, ad diem sequentem, S. R. C. 5. *Martii 1695, in Sabinen.* Cum octava Dedicacionis, octava enim dies licet non privilegiata, cedit tantum duplicibus primæ vel secundæ classis; Vide n. 611 et 655.

662. In ecclesiis beatæ Mariæ sub quoocunque titulo dicatis, in seriali Officio debet fieri commemoratio de eadem S. Maria tanquam de titulari, etiamsi ejusdem Officium parvum in choro fuerit recitatum; S. R. C. Apr. 1695, in *Fossanen.* Debet fieri commemoratio: qualis vero commemoratio facienda, Vide num. seq. et 29.

665. Pro suffragio beatæ Mariæ in ecclesiis eidem dicatis sub quoocunque titulo, sive Assumptionis, sive Conceptionis, etc. sufficit consuetudo antiphona; *Sineta Maria, succurre miseris,* etc. S. R. C. 25. *Aprilis 1695, in Fossanen.* Vide num. ant.

664. Parochis ministraturis SS. Sacramentum infirmis, non est licitum de die, neque de nocte, uti parvo pileolo in delatione ejusdem per civitatem, sub prætextu alicujus infirmitatis, absque speciali Sanctæ Sedis licentia, S. R. C. 15. *Aug. 1695 in Januen.* Per civitatem; extra vero civitatem et oppidum ex consensu episcopi. Vide n. 261 et 657.

665. Sacerdos, qui celebrat Missam conventualem, in qua chorus tenetur cantare Symbolum, non potest eam prosequi eo tempore, quo a choro cantatur Symbolum, S. R. C. 17. *Decemb. 1695, in Januen, et antea 15 Septembris 1650, in Beneventana.* A choro cantatur Symbolum totum, organum enim non erit intermiscendum; *Cærem. episcoporum. lib. 1, cap. 28, num. 10.*

666. Cum nonnullorum non rite sensum generalis rubricæ Breviarii Romani tit. x, num. 7. de Translatione festorum, percipientium obreperit opinio, quod de festo transferendo, quod potest in sequentem diem immediate transferri, sit recitandum Officium ante alia æqualis ritus prius translata, sacra Rit. congreg. ad relationem eminentissimi, et reverendissimi D. card. Petrucci supradictam generalem rubricam omnino servandam, et quoocunque alio decreto in contrarium non obstante, in casu proposito (servato ordine calendarii) Officium de primo translato prius recitandum esse declaravit. Ita tamen, ut per hanc declarationem nihil penitus circa semiduplicita in Dominicis infra octavas occurrentia veniat immutandum, pro quibus prædictam generalem rubricam tit. x, num. 5. pariter omnino servandam esse censuit, et ita servari mandavit S. R. C. 22. *Decemb. 1696, in decreto generali, et 1 Septemb. 1705 in Camerin.*: Semiduplicita infra octavas occurrentia. Adde etiam ipsamet die festi, vel in alia infra octavam, in qua Officium de festo duplici recitatum fuit. Vide n. 509, et alios ibi notatos.

667. Supplicatum fuit: in quanam parte altaris a celebrante absque diacono et subdiacono sit cantandum evangelium pro benedictione solemnium Palmarum. Et responsum fuit, in cornu Epistolæ, S. R. C. 27. *Aprilis 1697, in Eugubina.*

668. In ecclesiis, in quibus occasione quadraginta Horarum, expositum detinetur augustissimum Sacramentum, congruentius abstinendum est a celebratione Missarum Defunctorum, etiamsi ex præscripto testatorum essent celebrandæ, S. R. C. 27. *Apr. 1697. in Eugub.* Occasione quadraginta Horarum; vel alia causa publica, et quid de aliis

expositionibus consule n. 1225 seqq.: Ex præscripto festorum. Privilegium altaris per Missas currentes, vel votivas de SS. Sacramento, adimpletur ex constit. Clementis XII, exhibitæ pro quadraginta Horis, quæ incipit: *Essendo state fatte*, § 17, lata die 1 Sept. 1756.

669. In Vigilia Epiphaniæ dici non possunt Missæ privatae de Requiem, S. R. C. 27. *Apr. 1697, in Panormitana.* Vide n. 851 et 955.

670. Officium semel in hebdomada concessum recitari potest die Sabbati, si tota hebdomada sit impedita, et in tali casu omittendum Officium beatæ Mariæ in Sabbato, S. R. C. 27. *Apr. 1697, in Panormitana.* Vide n. 718 seqq.

671. Prima die mensis non impedita festo duplici, vel semiduplici, et in qua occurrit recitari Officium Defunctorum, potest recitari supradictum Officium semel in hebdomada concessum, transfereudo, vel etiam aliquando omittendo Officium Defunctorum, S. R. C. 27. *Apr. 1697, in Panormitana.*

672. In ecclesiis tam parochialibus, quam non parochialibus, ubi adest numerus cantorum, non potest celebrari in Sabbato sancto unica Missa privata, loco solemnium, ut in eisdem ecclesiis fiat benedictio tam luminis, et cerei, quam aquæ, attentis maxime decretis 11 Feb. et 11 Mar. 1690, prohibentibus celebrationem Missarum privatarum, et unicam tantum Missam conventualem una cum Officio Sabbati sancti celebrari præcipientibus, S. R. C. 15. *Jun. 1697, in Januen.*: Attentis maxime decretis: sub num. 604. Missa privata: solemnium vero etiam non cantata, conceditur a Benedicto XIII, qui Cæremionale parvum pro ecclesiis minoribus promulgavit anno 1725. Vide num. seq. et 1509. Quid agendum, si eo die festum SS. Annuntiationis occurrerit, vide n. 620.

673. Benedictio aquæ in Sabbato sancto etiam sine effusione olei sancti, fieri non potest in ecclesiis non habentibus fontem baptismalem, quamvis usus sit in hujusmodi ecclesiis talem benedictionem fieri, S. R. C. 15. *Jul. 1697, in Januen.*: Benedictio aquæ in Sabbato sancto: neque extra Sabb. Paschæ, et Pentecostes, quando aqua consecrata non habetur, n. 1506 seq. Sine effusione olei, ut est apud illos, qui ante fontis benedictionem olea sacra recipere non potuerunt. Vide n. 1508.

674. Ad removenda aliqua dubia quæsitum fuit, sub quo ritu in Hispaniæ regnis (excepta civitate Gerundæ) sit celebrandum Officium sancti Narcisi, et sub quo ritu censi debeat indultum Officium per extensionem in cæteris casibus, quando a sacra Congregatione non exprimitur; et examinatis decretis, responsum fuit: Officium S. Narcisi recitandum esse in civitate, et diocesi Gerundæ die 29 Octob. cum Missa sub ritu duplici primæ classis eum octava; die vero 18 Martii de eo fiat commemoratio tantum, sicut quadagesimali tempore fit de simplicibus. In cæteris regnis autem Hispaniarum recitandum esse sub ritu duplici minori dicta die 29 Octob. S. R. C. 3. *Aug. 1697, in Hispanen.*

675. In ecclesiis permittuntur altaria tantum antiqua sanctis Veteris Testamenti prophetis dicata, S. R. C. 5. *Aug. 1697, in Imolen.*

676. Non est tolerandus usus, qui ab aliquibus servatur feria vi in Parasceve, incensandi iterum SS. Sacramentum post incensationem oblatorum, omittendo consuetam crucis incensationem, cum sit contra rubricam illius diei, S. R. C. 5. *Aug. 1697, in Panormitana.* Vide num. 706 rubricam illius diei, præcipientem: Episcopus incensat oblata, et inde crucem, et altare more solito. *Cærem. episc. lib. 11, cap. 25, num. 35. Vide num. 706.*

677. In depositione defunctorum in verbis illis: *Non intres in judicium cum servo tuo, Domine, quia nullus apud te justificabitur homo,* quando est mulier, aut plures sunt defuncti, non possunt verba

*servo tuo immutari in serva tua, vel servis tuis,* absque sacre rubricæ læsione, et servandum est Rituale; S. R. C. 31. *Aug. 1697, in una Puteoli diocesis Fanensis, et 21 Jan. 1711, in Calaguritana.*

678. Primæ lectioni secundi nocturni in festo S. Thomæ de Villanova post verba: *Exacta pueritia, Compluto, quo missus fuerat, statim addantur sequentia, ut alumnus in collegio majori Sancti Iddefonsi.* Et post verba, *eodemque statim reversus est,* addantur, *sacre theologie cursu confecto, adeo doctrina excelluit, ut in eadem universitate cathedram ascendere jussus, philosophicas theologicasque questiones mirabiliter explanaverit,* S. R. C. 31. *Aug. 1697, in decreto Urbis et Orbis.*

679. Ante versiculum, qui dicitur Communionem, cooperiendus est calix velo in anteriori parte, prout ante Confessionem, S. R. C. 1. *Martii 1698, in Pra-gen.*

680. Cum Officia non sint ejusdem ritus, episcopus in diocesi non potest minus digno fixam diem assignare, S. R. C. 15. *Martii 1698, in Herbipolen.* Vide tamen recens decretum sub num. 1091, 1178, 1186 et 1196.

681. In expositione SS. Sacramenti, quæ fit ad instar proscenii, quantitas luminum pietati facientis expositionem remittitur, at in altari super candelabris ad minus sex candelæ accendi debent, S. R. C. 17. *Martii 1698, in Narnien.*: Quantitas luminum: videlicet viginti quatuor ad minus candelæ præter duo luminaria majora saltem in expositione quadraginta Horarum; Clem. XI constit. *Essendo state fatte.* Conf. Bened. XIII et Clement XII, § 4, 1 Sept. 1756. *Const. edita.*

682. Festa ad libitum, quæ semper cadunt infra octavas sanctorum, celebrari non possunt, attento decreto sanctæ memoriæ Innocentii XI, 24 Januarii 1682 emanato, prohibente talia festa ad libitum celebrari infra octavas, S. R. C. 15. *Martii 1697, in Herbipolen.*: Quæ semper cadunt. Non immutata lege sanctorum ad libitum. Nunc datur exceptio. Vide num. 1183.

683. Si aliquod festum sive duplex, sive semiduplex pro universali ecclesia noviter a Sede Apostolica institutum, vel instituendum occurrat singulis annis eodem die cum festo diocesano, ejusdem ritus debet fieri Officium de festo instituto pro Ecclesia universali, S. R. C. 15. *Mar. 1698, in Herbipolen.*: Officium de festo instituto pro Ecclesia universali; modo addas, si major dignitas, vel solemnitas apparatus in Officio universali exigatur; alioquin de illo diocesano ut peragatur, docet aliud decretum Urbis et Orbis emanatum. Vide num. 777.

684. In sanctorum patronorum electione fieri non debent promissiones servandi diem festum patroni electi tanquam de præcepto, etiamsi ab Ecclesia universali sub tali ritu non colatur; nam has promissiones, et vota non admittit, nec approbat, sed rejicit, et tantum ex devotione servari posse concedit S. R. C. 15. *Mar. 1698, in Theatina, et Pinnen. pro clero, et populo nonnullorum oppidorum,* in sanctorum patronorum electione; minus principalium, nam primus loci patronus habet etiam festivum diem de præcepto, ex constit. Urbani VIII, quæ incipit: *Universa.* Vide num. 245 et 1251.

685. Consuetudo triginta annorum non habet vim ad hoc, ut continuari possit recitatio Officii de aliquo sancto in ecclesia, in qua asservatur ejus corpus, nisi doceatur, an sit descriptus in Martyrologio, et de ejus identitate constet, S. R. C. 5. *Jul. 1698, in Collen.*: Consuetudo triginta annorum; neque antiqua et immemorabilis. Vide num. 1218: In Martyrologio Romano; vel a Sede Apostolica concessio. Vide num. 650.

686. Si in feria III Rogationum occurrat festum simplex, in cathedralibus et collegiatis non sunt



cantandæ duæ Missæ, S. R. C. 5 Jul. 1698, in *Col-len.*

687. In absolutionibus in die Commemorationis omnium fidelium defunctorum non test dicenda tota conclusio in oratione, S. R. C. 5 Julii 1698, in *Col-len.*: In absolutionibus; secus vero in Officio, Rub. Brev. de Officio def. Vide num. 594.

688. In expositione, et depositione SS. Sacramenti etiam causa devotionis non est addendum *Alleluia* ad versiculum *Panem de celo*, S. R. C. 5 Jul. 1698, in *Col-len.*: Non est addendum *Alleluia*; intellige extra tempus paschale, vel octavam Corporis Christi, Clem. XI Constit. *Essendo state fatte*, approb. Innocent XIII, Bened. XIII et Clem. XII, die 1 Sept. 1756, edita num. 21, tunc enim addendum est *Alleluia*.

689. Parochus duarum ecclesiarum unitarum debet de ambarum patrono et titulari recitare Officium juxta rubricas, maxime si ecclesie sint peræque unitæ, S. R. C. 5 Jul. 1698, in *Col-len.*: Juxta rubricas; videlicet primæ classis cum octava, Rub. Brev. 8.

690. In anniversario occurrenti in festo duplici secundæ classis non potest cantari Missa de *Requiem*, S. R. C. 5 Jul. 1698, in *Col-len.*: In anniversario; quando vero concedatur, Vide num. seqq. et 49 seq.

691. In duplicibus primæ classis etiam præsentis corpore non potest cantari Missa Defunctorum, et multo minus dicenda est una Missa privata deficientibus clericis in choro, S. R. C. 5 Jul. 1698, in *Col-len.*: In duplicibus primæ classis, intellige festivis, et quæ sint. Vide num. 75.

692. Infra octavas privilegiatas non potest cantari Missa Defunctorum in anniversario, et Officio solemnium, S. R. C. 5 Jul. 1698, in una *Col-len.* et 2 Sept. 1741, in *Aquen.*: Infra octavas privilegiatas; scilicet Paschæ, Natalis, Pentecostes, Epiphaniæ, et Corporis Christi, Rub. Brev. de Octav. Vide n. ant. et seqq. ac 75.

693. In die Anniversarii et Depositionis, non potest cantari Defunctorum Missa loco Conventualis, S. R. C. 5 Jul. 1698, in *Col-len.*: In die Anniversarii et Depositionis. Potest tamen prima die mensis cantari Missa principalis generaliter Defunctorum (extra Adventum, Quadragesimam et Tempus paschale) si eo die non fuerit festum simplex, vel feria, quæ propriam habeat Missam, aut reassumenda sit Missa Dominicæ præcedentis, quæ fuit impedita, et infra hebdomadam non occurrat alius dies, in quo reassumi possit; quo in casu in ecclesiis cathedralibus, et collegiatis cantantur duæ Missæ, una pro defunctis, alia de simplici, vel feria; et in Ecclesiis non cathedralibus, nec collegiatis, una de die cum commemoratione generali defunctorum, Rub. Miss. tit. 5 num. 1.

694. Quando in mense Novembris sunt eadem die ponenda plura initia prophetarum, dicenda est tantum unica lectio, S. R. C. 5 Jul. 1698, in *Col-len.*: Dicenda est tantum unica lectio; pro præcepto adimplendo, poterunt etiam recitari tres lectiones simul ad modum unius, Rubr. Brev. XXVI, De lectionibus num. 3 et 6. Vide num. seqq.

695. Non possunt poni plura tribus initiis prophetarum unica die, S. R. C. 5 Jul. 1698, in *Col-len.*

696. Ubi sunt plura Officia habentia primas lectiones proprias, possunt omitti aliqua ex dictis initiis prophetarum, occurrente legitima causa, S. R. C. 5 Jul. 1698, in *Col-len.*

697. In Dominicis Adventus et Quadragesimæ, in quibus fit de duplici primæ classis non sunt cantandæ duæ Missæ, S. R. C. 5 Jul. 1698, in *Col-len.* In Dominicis Adventus et Quadragesimæ; intellige secunda, tertia, vel quarta, in quibus Officium et Missa festo duplici primæ classis non denegantur; secus vero de primis Dominicis, quibus nec Missa

solemnis de duplici primæ classis occurrente conceditur, Rub. Miss. tit. 6, num. 1.

698. Si Anniversarium anticipatur, aut postponatur per aliquot dies, potest dici Missa, ut in anniversario, S. R. C. 5 Jul. 1698, in *Col-len.*: Potest dici Missa ut in Anniversario; vel quotidiana; Oratio vero, *Deus indulgentiarum*, etc., non erit varianda. Vide num. 49 et 1280.

699. Officium Defunctorum pro secunda die Novembris potest recitari etiam præsentis episcopo ante Completorium diei festi Omnium Sanctorum, S. R. C. 5 Jul. 1698, in *Col-len.*: Ante Completorium; intellige ante horam Completorii in choro dicendam solemniter. Cæremionale enim ait: *Interim episcopus post Vesperas Omnium Sanctorum, et canonici paramenta deponunt, mansionarii, seu cappellani, vel seminaristæ in secretario recitabunt Completorium; Cærem. episc. lib. II, cap. 10, n. 2.* An permittatur absente episcopo, et quomodo, et quid statuatur de privata recitatione, con-ule num. 21.

700. Quando ab aliqua congregatione dicitur totum Officium Defunctorum, non debet illud dici, ut secunda die Novembris, omittendo psalmos post Vesperas, et Matutinum positis in Officio Defunctorum, S. R. C. 5 Jul. 1698, in *Col-len.*: Omittendo psalmos; quando vero omittendi sint psalmi prædicti. Vide num. 1021 et 1697.

701. Occurrente festo S. Marci infra octavam Paschæ, in Missa Rogationum non est dicendum *Credo*, S. R. C. 5 Jul. 1698, in una *Col-len.*: Infra octavam Paschatis; et in quacunque die etiam Dominica. Vide num. 615.

702. Deficiente subdiacono pro Missa solemnium, data necessitate, potest permitti per superiores, ut substituantur constitutus in minoribus ordinibus ad cantandam Epistolam, paratus absque manipulo, S. R. C. 5 Jul. 1698, in *Col-len.*

703. Sacerdos Missam celebraturus transiens ante altare, ubi sit populi communio, non debet permanere genuflexus, donec, et quousque terminetur communio, S. R. C. 5 Jul. 1698, in *Col-len.* Quomodo vero debeat genuflectere, vide num. 278.

704. In ecclesia cathedrali, quæ habet privilegium recitandi Officium novem lectionum qualibet hebdomada non impedita, non potest cantari unica Missa feriæ cum commemoratione Officii currentis, quando eo die occurrit feria, quæ habeat Missam propriam, S. R. C. 5 Jul. 1698, in *Col-len.*: Unica Missa; sed una de Officio post Tertiam, altera de Feria post Nonam, Rub. Miss. tit. 4, num. 1.

705. Potest permitti, quod hebdomadarius, aut alius canonicus post processionem in festo alicujus sancti, stans ad altare majus benedicat populo, habens tantum superpellicem, et stolam, sicut in aliis processionibus, in quibus circumferuntur aliqua reliquia cum alba, stola, et pluviali, S. R. C. 5 Jul. 1698, in *Col-len.* Vide num. 777 et 1039

706. In feria vi Parasceves thurificanda sunt oblata; sed post thurificationem oblaturum, non est iterum thurificandum Sacramentum, ob cuius tamen præsentiam non est omittenda thurificatio crucis, sed crux, et altare thurificanda sunt eo prorsus modo, quo fit in aliis Missis, non omissis debitis genuflexionibus transeundo ante SS. Sacramentum, S. R. C. 5 Jul. 1698, in *Panormitana.* Crux et altare thurificanda sunt, eo prorsus modo quo fit in aliis Missis; posito autem incenso sine osculo et benedictione, *Cærem. episcop. lib. II, cap. 25, num. 33.* Crucem vero thurificat celebrans triplici ductu. Idem lib. I, cap. 23, num. 4. Vide num. 676.

707. In transeundo de una ad alteram partem altaris in prima, secunda, et tertia Missa Nativitatis Domini, serventur rubricæ Missalis, quæ nullam præscribunt genuflexionem ante calicem esse fa-

ciendam, S. R. C. 2 Augusti 1698, in *Veneta.* Vide num. 605.

708. In expositione SS. Sacramenti, cantatis, seu recitatis versiculis, *Panem de celo*, etc., sacerdos insurgens non debet reiterare genuflexionem antequam recitet orationes, S. R. C. 2 Aug. 1698, in una *Urbis*, et 6 Septembris 1698, in *Ravennaten.*

709. Si episcopus suffraganeus accedens ad ecclesiam deferat cappam, tenetur ipse sustentare sibi eandem involutam brachio sinistro, et duo canonici debent ire usque ad ostium ecclesie; dignior vero illorum porrigere ei tenetur aspersorium, quo suffraganeus se ipsum aspergit, et pariter eum associant ad eundem locum, S. R. C. 6 Sept. 1698, in *Veliterna.* Se ipsum aspergit; episcopus vero, in propria diocesi, capitulum, magistratum, et circumstantem populum aspergit, postquam se lustrali aqua munierit; et præsidi vel gubernatori præsentis per contactum aspersorii porrexerit, *Cærem. episc. lib. III, cap. 3, num. 2 seqq., et 52.*

710. Si episcopus suffraganeus assistens concioni sedeat in presbyterio, concionatoris salutatio ei prius dirigi debet distincta ab illa canonicorum, et magistratus sæcularis, S. R. C. 6 Sept. 1698, in *Veliterna.*

711. Si episcopus suffraganeus occasione functionum episcopaliū accedat cum eappa, debet se parare in fallistorio, alias in sacrario; non potest tamen sibi deferri facere caudam vestis violaceæ una cum elevatione fimbriæ anterioris in plano pavimenti Ecclesie, S. R. C. 6 Septembris 1698, in *Veliterna.* Vide n. 709.

712. In die Commemorationis omnium fidelium defunctorum in ecclesiis cathedralibus vel collegiatis, ubi quotannis occurrit dies octava Dedicatio ecclesie, Missæ privatæ dicendæ sunt de *Requiem*, et cantandæ sunt duæ Missæ conventuales, una scilicet de die octavæ post Tertiam, et altera de *Requiem* post Nonam juxta rubricas. Quando vero dies octavæ incidit in Dominica, omnes Missæ celebrandæ de die octavæ, et Commemoratio omnium fidelium defunctorum transferatur in diem sequentem, S. R. C. 27 Sept. 1698, in una *S. Germani Montis Cassini.*

713. Vesperas sanctorum Angelorum Custodum esse dimidiandas cum sequenti duplici minori, S. R. C. 27 Sept. 1698, in una *Ord. Capuc.*: Vesperas Angelorum esse dimidiandas. Vide posteriora decreta modo observanda num. 521, 845 et 951.

714. Si incidat in eandem diem duplex Officium novem lectionum ritus æqualis, quorum unum sit Ecclesie universalis, aliud vero Ordinis Minorum, et ambo transferantur: quodnam ex duobus debeat transferri? Quid vero dicendum si sint ritus inæqualis; ut contingit die 12 Novembris, in qua occurrunt festum S. Martini, quod est semiduplex, et festum S. Didaci duplex secundæ classis? Responsum fuit ad primam partem: Officium, quod ab universali Ecclesia celebratur, prius esse persolvendum. Ad secundam: Festa particularia majoris ritus præferenda esse, etiamsi in Calendario pro universali Ecclesia sint descripta, S. R. C. 27 Sept. 1698, in una *Ord. Capuc.* Pro prima parte hujus decreti vide contrariam modernam legem sub n. 4017, pro secunda vero, omnia decreta habentur conformia. Vide n. 514.

715. Commemoratio de S. Dominico ex concessione Clementis P. X, ab eisdem faciendâ, quando fit Officium de S. Francisco, fieri debet tantum in Officio S. Francisci, quod semel in mense ab iisdem recitatur, post alias commemorationes, et quod in Officiis per annum semel in mense recitandis de SS. Bonaventura, Antonio Patavino, et Clara, non attendatur ordo dignitatis, S. R. C. 27 Septembris 1698, in una *Ord. Capuc.*

716. In consecrandis virginibus servetur Pontificale, et quoad egressum in ecclesiam exteriorum arbitrio em. archiepiscopi, circa modum accessus

et recessus standum erit. Moniales vero per eandem portam exterioris ecclesie accedere debent, ac recedere. S. R. C. 27 Septembris 1698, et antea 5 Julii ejusdem anni in *Bononien.*

717. Festum SS. Fabiani et Sebastiani una simul celebratur in illis locis, in quibus S. Sebastianus est patronus minus principalis, S. R. C. 12 Nov. 1698, in *Cremen.* Alias resolvitur, cum sit patronus principalis. Vide n. 25 et 927.

718. Festa duplicia et semiduplicia translata præferenda sunt Officio S. Benedicti semel in hebdomada concessio sub ritu semiduplici omnibus Congregationibus Sancti Benedicti, S. R. C. 7 Februar. 1699, in *Tarvisina.* Hoc decretum est generale. Vide n. seqq. et 456.

719. Officium semel in hebdomada concessum, non potest recitari in Vigiliis ordinariis, et Quatuor Temporibus juxta alia decreta jam emanata, S. R. C. 7 Febr. 1699, in *Tarvisina.* Neque tempore Quadragesimæ, et Adventus, ac feria II Rogationum. Vide n. seq. et n. 525.

720. Officium semel in hebdomada concessum recitari valet in Sabbato, quando fieri deberet de Sancta Maria in Sabbato, S. R. C. 7 Febr. 1699, in *Tarvisina.* Vide n. ant. et 671.

721. Pyxis, in qua proprio velo coopertum defertur SS. Viaticum infirmis, debet etiam cooperiri extremitatibus veli oblongi humeralis, S. R. C. 21 Martii 1699, in *Bergomen.*

722. Dignitatibus vel canonicis in choro non debetur thurificatio triplici, sed duplici tantum ductu, non obstante quod ibi, amissis distributionibus, persona habens dignitatem vel canonicatum incedat cum habitu protonotarii in choro, S. R. C. Martii 1699, in *Caballien. Insulæ*: Duplici tantum ductu; S. Rom. Eccl. cardinali præsentis, unico ductu thurificantur. Vide n. 70 et 184.

723. Non licet clericis ministrantibus thuribulum, seu naviculam canonicis celebrantibus coram episcopo genu illis flectere, sicut fit episcopo, et diacono ministrans thus canonicis celebranti, ut benedicat, debet dicere: *Benedicite, Pater reverende*, et non *Pater reverendissime*, S. R. C. 4 Aprilis 1699, in una *Burgi Sancti Sepulcri.* Genu illis flectere; sed ante canonicos stare debent inclinati, et naviculam diacono tradere semiapertam, *Cærem. episcop. lib. I, cap. 23, n. 1, et lib. II, cap. 3, n. 10.*

724. Infra octavam Sanctissimi Corporis Christi potest recitari Officium de duplici primæ et secundæ classis etiam translato, non autem in die octava, in qua nec etiam potest recitari de duplici secundæ classis occurrente, S. R. C. 30 Maii 1699, in *Ulyssiponen.* Vide n. 515 et 550.

725. Non possunt canonici in celebratione Missæ uti palmatoria, vulgo bugia, S. R. C. 11 Jul. 1699, in *Vicent.*

726. Lampas ardens omnino retinenda est ante altare Sanctissimi Sacramenti, non vero supra valvas Ecclesie in choro de diametro opposito ante prædictum altare, S. R. C. 22 Aug. 1699, in una *Ord. Capuc.*: Lampas ardens. Ante SS. Sacramentum lampades impari numero ad mysticum sensum ordinantur, et ad minus tres accensæ tota die adsint; ad reliqua vero singula altaria singulæ possint lampades appendi, quæ quidem in præcipuis festis, saltem dum Vesperæ et Missa solemnibus decantantur, continue ardeant, *Cærem. episc. lib. I, cap. 12, n. 17.*

727. Dignitates nunquam debent canonicis inservire, S. R. C. 3 Octob. 1699, et 11 Jun. 1701, in *Gerunden.*: Inservire: licet præbendis inserviendi gaudeant. Vide n. 50 et 941.

728. Conceditur primatus fratribus provincie S. Didaci novæ Hispaniæ in Indiis Ordinis Fratrum Minorum S. Francisci Discalceatorum nuncupatorum contra Fratres Augustinianos in regno Mexi-



cano, non solum in processionibus solitis, et sub propria cruce, sed etiam in concionibus, disputationibus, concurrentia praelatorum, aliisque actibus tam publicis, quam privatis, interveniente, vel non interveniente familia de Observantia: tam in voce, quam in scriptis partibus acerrime informantibus auditis, ita respondit, et amplius dubium proponi vetuit, S. R. C. 15 Martii 1700, annuente Innoc. XII 4 Apr. ejusdem anni in const. quæ incipit: Emanavit.

729. Cum festum Dedicacionis cathedralis extra civitatem celebretur sine octava, hæc annua celebratio per totam dioccesim celebranda est juxta solitum, scilicet vel sub ritu duplici primæ classis, vel sub duplici minori, S. R. C. 19 Jun. 1700, in Curien. Vide num. 648: Per totam dioccesim, exclusis regularibus et monialibus. Vide n. 1221.

730. Quando duæ octavæ simul occurrunt, quarum una sit patroni principalis sub duplici primæ classis, altera vero B. M. V. sub ritu duplici secundæ classis, recitandum est Officium infra octavam de patrono principali cum commemoratione octavæ B. M. V., S. R. C. 19 Jun. 1700, in Curien.: Cum commemoratione octavæ B. M. V., etiam in die ipsamet octava; neque obstat, si octava esset universalis, et longe major dignitas reperitur, ut est in S. Maria. Vide n. 1275.

731. Si in Dominica infra octavam Nativitatis beatissimæ Mariæ Virginis, in qua celebratur festum SS. Nominis ejusdem B. M. V. sub ritu duplici majori, occurrat alicubi dies octava, translato festo dicti SS. Nominis, agendum est de die octava in ipsa Dominica, S. R. C. 19 Jun. 1700, in Curien. Agendum est de die octava; intellige de octavis, quæ non sunt de B. M. quia in eo casu erit celebrandum festum de SS. Nominis sine commemoratione Nativitatis ejusdem. Vide num. 596 et 605.

732. In festo, et per octavam SS. Angelorum Custodum hymni ejusdem metri terminari non possunt, sicut terminatur eorum hymnus in Laudibus, per stropham:

Deo Patri sit gloria,  
Qui quos redemit Filius,  
Et Sanctus unxit Spiritus,  
Per angelos custodiat;

S. R. C. 19 Jun. 1700, in Curien.

733. Occurrente festo duplici minori, seu translato in die Commemorationis omnium defunctorum, officium faciendum est de Sancto, Missæ vero celebrandæ de Requiem, S. R. C. 19 Jun. 1700, in Curien.: Occurrente festo; quod non sit de præcepto audiendi sacrum, et vacandi ab operibus servilibus. Vide num. 44.

734. In festo Translationis patroni principalis cathedralis sub ritu duplici majori dici non potest Symbolum in Missa, tam in ipsa ecclesia cathedrali, quam etiam per totam dioccesim, S. R. C. 19 Jun. 1700, in Curien.: Dici non potest Symbolum; nisi ratione corporis, vel insignis reliquiæ, Rub. xi Miss. de Symbolo. Vide n. seq.

735. In festis sanctorum Martyrum et Virginum, quæ celebrantur sub ritu duplici majori, non est dicendum Symbolum in Missa, sed servantur rubricæ generales Missalis Romani cap. xi, de Symbolo; S. R. C. 19 Junii 1700, in Curien.: Serventur rubricæ generales; in quibus legitur In festis sanctorum, quibus dedicata est ecclesia, et ubi habetur corpus, vel insignis reliquia; Rub. cit. Si altare, vel capella iisdem adesset dicata, tunc Symbolum in Missa solemniter erit decantandum, licet de aliquo sancto sub ritu semiduplici festum celebratur. Vide num. 442.

736. In ecclesiis parochialibus ruralibus in quibus per annum plerumque unus tantum sacerdos celebrat, et sine cantu, potest dici Missa de Requiem, quando anniversaria ex testatorum dispositione, recurrente

obitus die, incidunt in festum duplex minus. Non tamen dicendum de diebus, tertio, septimo, et trigesimo, sed servetur decretum generale editum 5 Aug. 1662; quod incipit: Cum Sanctissimus, S. R. C. 19 Junii 1700, in Curien.: Quod incipit: Cum Sanctissimus; in quo declaratur non posse celebrari Missas defunctorum. Vide num. 19 et seq.

737. Ex privata devotione parochianorum peccentium sæpius per annum anniversaria pro defunctis parentibus, fratribus, amicis, et aliis defunctis, potest in ruralibus ecclesiis cantari Missa solemniter de Requiem in festo duplici minori, altera cantata de festo, ubi adsunt plures, vel saltem duo sacerdotes, dummodo sermo sit de die vere anniversaria a die obitus, S. R. C. 19 Junii 1700, in Curien. Vide n. ant. et 19.

738. Si feria sexta post Dominicam Passionis, in qua celebratur Officium septem Dolorum beatæ Mariæ sub ritu duplici majoris, occurrat festum primæ vel secundæ classis, dictum Officium non est transferendum, sed omittendum. Item Dominica prima Octobris Officium SS. Rosarii, ubi adest altare, et confraternitas ejusdem, sac. Rit. congr. 19 Jun. 1700, in Curien. Vide tamen n. 488, in quo statutum esse transferti per posteriorem constitutionem Bened. XIII. Cum hodie Officium de Rosario universaliter sit demandatum, ideo non omitti, sed transferri debet. Vide n. 989.

739. Festum semiduplex incidens in Dominica infra octavam non privilegiatam, debet transferri immediate in feriam secundam non impeditam, licet sit reponendum quodcumque Officium etiam ex sollemnioribus, S. R. C. 19 Junii 1700, in Valentina. Incidens in dominica: adde etiam, si occurrat in die festo, vel in duplici infra octavam. Vide num. 646.

740. Quadragesimæ, Adventus et Vigiliarum temporibus, necnon in diebus Rogationum, occurrente aliquo festo duplici, vel semiduplici, non licet post Primam celebrare Missam prædictarum feriarum, sed servandæ sunt rubricæ, S. R. C. 22 Jan. 1701, in una Camald. Montis Coronæ: Servandæ sunt rubricæ; videlicet post Nonam, Rub. Miss. de Feria et Vigilia num. 1. Au valeat contraria consuetudo, consule num. 1142 seq.

741. In die Commemorationis omnium fidelium defunctorum non potest celebrari Missa solemniter de Requiem post Primam, sed servandæ sunt rubricæ, S. R. C. 22 Jan. 1701, in una Camald. Mont. Coronæ: Servandæ sunt rubricæ; id est post Nonam, Rub. Miss. in prop. de Sanctis die 2 Novembris.

742. Matutinum diei Commemorationis omnium fidelium defunctorum non potest recitari in choro in die Festivitatibus Omnium Sanctorum post Completorium, sed servandæ sunt rubricæ, S. R. C. 22 Jan. 1701, in una Camald. Mont. Coronæ. Intellige absente episcopo, et ubi consuetudo pro communitate populi non adest. Vide num. 21. Pro privata vero recitatione vide n. 1202.

743. Benedictio publica sacrorum Cinerum prima die Quadragesimæ non potest fieri post Tertiam, sed servandæ sunt rubricæ, S. R. C. 22 Jan. 1701, in una Camald. Mont. Coronæ: Servandæ sunt rubricæ, scilicet post Nonam, Rub. Miss. in prop. de temp. feriae IV Cin. An valeat contrarium pro consuetudine, vide n. 142 seq.

744. Absque pluviali non licet non habentibus usum illius in die et infra octavam SS. Corporis Christi peragere processionem cum SS. Sacramento; non posse tamen cogi, ut ejus expositio fiat cum pluviali ab ipsis non habentibus usum, statuit sac. Rit. congreg. 22 Jan. 1701, in una Camald. Montis Coronæ: Non habentibus usum; aut etiam per particulares Ordinis constitutiones. Vide num. 1516.

745. In sacrificio Missæ non est adhibenda palla a parte superiori drappo serico cooperta, S. R. C. 22 Jan. 1701, in una Camald. Montis Coronæ.

746. Sacerdotes in sacrificio Missæ congruentius utuntur cingulo lineo, quam serico, S. R. C. 22 Jan. 1701, in una Camald. Montis Coronæ: Cingulo lineo, colore albo, vel saltem paramentorum. Vide n. 858.

747. Ante sacras reliquias expositas ultra lampadem debent continuo super altare ardere saltem duo lumina, alias reliquiæ non exponantur, S. R. C. 22 Jan. 1701, in una Camald. Montis Coronæ.

748. Ante ostium tabernaculi SS. Sacramenti retineri non potest vas florum, vel quid simile, quod prædictum occupet ostium cum imagine Domini nostri in eodem insculpta, sed potest collocari in humiliori et decentiori loco, S. R. C. 22 Jan. 1701, in una Camald. Montis Coronæ.

749. Regularium superiores et priores locales non veniunt sub nomine ordinariorum, et consequenter non possunt assignare aliquam ex Dominicis Novembris pro recitatione Officii de patrocínio B. M. V. quod multis in locis permittitur celebrandum in aliquo die Dominico præfati mensis a locorum ordinariis eligendo, S. R. C. 22 Jan. 1701, in una Camald. Montis Coronæ. Hoc Officium a Bened. XIII fuit assignatum pro statu ecclesiastico Dominicæ secundæ mensis Novembris.

750. In Missa conventuali dierum solemnium, quæ absque cantu et ministris celebratur, non est faciendæthurificatio, S. R. C. 22 Jan. 1701, in una Camald. Montis Coronæ. Absque cantu et ministris; quid cum cantu, et sine ministris? Vide n. 315.

751. Ordini eremitarum Discalceatorum S. Augustini provincie Franciæ permittitur horas canonicas cantu Gregoriano canendi facultas, S. R. C. 29 Jan. 1701, annuente Clem. XI, const. quæ incipit: Nuper a congregatione vener. Fratrum, data Romæ die 29 Jan. 1701.

752-753. Sacerdotes etiam regulares diebus, quibus propria officia recitant sub ritu duplici, celebrantes in alienis ecclesiis, quando peragitur festum cum solemnitate et concursu populi, debent celebrare Missas conformando se ritui et colorum eorum ecclesiarum; in aliis vero diebus possunt si volunt: sed quando prohibentur Missæ votivæ, vel Defunctorum, debent se uniformare, saltem quoad colorem, S. R. C. 11 Jun. 1701, in una Tertii Ordinis S. Francisci. Debent celebrare Missas conformando se ritui, etc. Iterum præsens et sequens dubium, una cum alio tenoris sequentis, propositum fuit in S. C. 29 Januar. 1752: Utrum possit sacerdos, qui habet Officium duplex, celebrare Missam de Requiem, ubi non agitur de ritu duplici? Quæ dubia iterum confirmavit: et præterea docuit generaliter teneri sacerdotes, tam sæculares quam regulares, se conformare ritui ecclesiæ, in qua celebrant. Unde sequitur posse sine scrupulo Missas omnes privatas et solemniter celebrare, ac etiam Defunctorum, ut in casu, ad normam decreti 25 Augusti 1704, sub n. 806, quod pugnare videtur cum alio 7 Maii 1746, sub n. 1229. Instituento hanc sententiam Sacre Congregationis eamque sequendo servatur ex integro illa Missalis rubrica: Quoad fieri potest, Missa cum Officio conveniat, respiciens potius ecclesiam publicam, quam Officium privatum celebrantis, tit. IV de Missis votivis S. Mariæ, et aliis num. 3. Vide num. 1262.

754. Sacerdotes externi confluentes ad ecclesias etiam regularium, et celebrantes de sanctis etiam Ordinis, quando festum celebratur cum solemnitate, et concursu populi, debent in Missis se uniformare cum sacerdotibus illius ecclesiæ etiam regularibus quoad Credo, et numerum orationum more duplicium; in aliis vero diebus possunt, si volunt, S. R. C. 11 Jun. 1701, in una Tertii Ord. S. Francisci: Ecclesiæ etiam regularium: comprehenduntur etiam moniales. Vide num. ant. et 753.

755. In ecclesiis regularium diebus Dominicis, quibus tam regulares quam externi celebrant de Dominica, possunt externi uti coloribus paramentorum, quibus utuntur regulares ratione alicujus octavæ: et regulares celebrantes in alienis ecclesiis uti coloribus juxta ritum eorundem, et tam externi in ecclesiis regularium, quam regulares in alienis, possunt apponere commemorationem octavæ, ut supra, occurrentis, servata rubrica de duplici oratione habenda in Dominicis infra octavam, S. R. C. 11 Jun. 1701, in una Tertii Ord. S. Francisci. Vide num. ant. et seq. Servata rubrica: quæ est: In Dominicis infra octavas occurrentibus dicuntur duæ orationes, una de Dominica, secunda de octava. Rub. Miss. tit. VIII, n. 10.

756. Declaratio S. R. C. quod scilicet regulares non possint recitare Officium de octava patroni principalis sine speciali indulto ejusdem sac. R. C., comprehendit etiam moniales, S. R. C. 11 Febr. 1702, in Tarvisina.

757. Moniales ordinariis subjectæ non debent recitare Officium de octava Dedicacionis ecclesiæ cathedralis, nec possunt ad libitum, et tantum tenentur recitare Officium prædictum sub ritu duplici secundæ classis sine octava, S. R. C. 11 Febr. 1702, in Tarvisina: Officium prædictum, etiam si prima dies, et reliqua octava impedita sit. Vide num. cit.: Moniales in civitate degentes. An vero in diocesi, vide n. 1256.

758. Prohibitio facta a S. R. C. in declaratione, quod sacerdotes sæculares, etiam capellani, qui licet recitaverint Officium semiduplex, vel simplex, vel feriale, non celebrent Missam de Requiem in ecclesiis regularium, in quibus recitatum sit Officium duplex de non præcepto, vel de aliquo sancto eorum sui Ordinis, intelligi etiam debet pro ecclesiis monialium, S. R. C. 11 Febr. 1702, in Tarvisina. Vide num. 468 et 753.

759. Facultas celebrandi cum Missali Romano concessa a S. R. C. pro capellanis monialium, intelligi debet pro omnibus, et singulis, qui ex debito tenentur celebrare in ecclesiis ipsarum monialium, dummodo celebrent cum Missali Romano, S. R. C. congregat. 11 Febr. 1702, in Tarvisina. Vide num. 894.

760. Impedito, aut nolente episcopo celebrare, et alias funciones explere, spectat non ad vicarium generalem, aut ad canonicum hebdomadarium, sed ad primam dignitatem, eaque impedita, gradatim ad alias, ejus vices supplere, S. R. C. 11 Febr. 1702, in Gerunden.: Alias funciones. Vide n. 101. Gradatim ad alias: veras dignitates, non substitutos; puta archipresbyteri. Vide num. 14, 164 et 799.

761. Si Dominica infra octavam Ascensionis occurrat in die 4 Maii, tunc in feria secunda sequenti recitandum est Officium de sancta Monica, quod in dicta Dominica occurrit sub ritu semiduplici, non vero reponendum est festum sanctorum apostolorum Philippi et Jacobi, quod sub ritu duplici secundæ classis occurrit die 1 Maii, S. R. C. 16 Sept. 1702, in una Ord. Cælestinarum.: Recitandum est Officium de S. Monica. Hoc decretum est generale, et valet pro similibus; modo vero non habet locum pro S. Monica, ad duplicem ritum elevata ex decreto 26 Augusti. 1750. Vide num. 509 et 646.

762. In prima et secunda Missa, quæ celebratur in die festo Nativitatis D. N. J. C. non debet fieri purificatio calicis, S. R. C. 16 Sept. 1702, in una Regni Portugallie.

763. Canonici ecclesiæ cathedralis interessentes concionibus, præsertim quadragesimalibus, debent esse induti habitu canonicali, dum sedent in propriis